

Z A P I S N I K

sa XIX sjednice Vijeća Univerziteta u Sarajevu - Građevinski fakultet, održane dana 27.12.2021. godine, sa početkom u 11.00 sati , u sali 102 nastavne zgrade Fakulteta, ul. Patriotske lige br. 30.

PRISUTNI članovi Vijeća Univerziteta u Sarajevu - Građevinski fakultet:

Nastavnici i saradnici:

Prof.dr. Mustafa Hrasnica, Prof.dr. Esad Mešić, Prof.dr. Samir Dolarević, Prof.dr. Emina Hadžić, Prof.dr. Admir Mulahusić, Prof.dr. Đenari Čerimagić, Prof.dr. Amra Serdarević, Prof.dr. Suvada Šuvalija, Prof.dr. Emil Ilić-Georgijević, Prof.dr. Medžida Mulić, Prof.dr. Mirza Pozder, Prof.dr. Nedim Tuno, Prof.dr. Goran Simonović, Prof.dr. Jusuf Topoljak, Prof.dr. Suada Sulejmanović , Doc.dr. Esad Vrce, Doc.dr. Džanina Omićević, Doc.dr. Hata Milišić, Doc.dr. Adis Skejić, Doc.dr. Žanesa Ljevo, Doc.dr. Ismar Imamović, Doc.dr. Anis Balić, Doc.dr. Emina Hadžalić, Doc.dr. Emir Karavelić, Doc.dr. Emina Hajdo, Doc.dr. Haris Kalajdžisalihović, Doc.dr. Alma Džubur, Viši asistent Nerma Lazović (H), Viši asistent Ammar Šarić (S), Viši asistent Damir Hasanspahić (Mat.), Asistent Nedim Kulo (G), Asistent Mladen Kapor (Geot.i geol.),

Studenti: Amina Krivić, Zana Kadić

Ostali prisutni: Sabina Bajrić, sekretar fakulteta

ODSUTNI ČLANOVI:

Nastavnici i saradnici: Prof.dr. Adnan Ibrahimbegović , Prof.dr. Azra Kurtović, Prof.dr. Naida Ademović, Prof.dr. Sanjin Albinović, Doc.dr. Senad Medić, Doc.dr. Dževad Krdžalić, Asistent Samir Suljević (K).

Studenti: Adelisa Subašić,

Na prijedlog prodekana usvojen je sljedeći promjenjeni:

DNEVNI RED:

- I Usvajanje Zapisnika sa XVIII sjednice Vijeća Univerziteta u Sarajevu – Građevinski fakultet, održane 03.12.2021. godine;
- II Prijedlog za donošenje odluke da se o tačkama dnevnog reda:
 - a) Žalba studentice Ilme Čerimagić br. 06-2-1544-6/21 od 10.12.2021. na Odluku Disciplinske komisije br. 06-1544-5/21 od 29.11.2021. godine;
 - b) Molba grupe studenata Građevinskog i Arhitektonskog fakulteta da im se u skladu sa mogućnostima obezbjedi prostoriju za obavljanje vjerskih obreda.članovi Vijeće Univerziteta u Sarajevu – Građevinski fakultet izjasni tajnim glasanjem putem glasačkih listića.
- III Izvještaj Komisije za pripremanje prijedloga za izbor u zvanje viši asistent za naučnu oblast "Geotehnika i geološko inženjerstvo", jedan izvršilac sa punim radnim vremenom, po Konkursu objavljenom u dnevnim novinama "Oslobođenje", web stranici Univerziteta u Sarajevu i web stranici Univerziteta u Sarajevu – Građevinski fakultet dana 03.11.2021. godine;
- IV Izvještaj Komisije za pripremanje prijedloga za izbor u zvanje docent za naučnu oblast "Saobraćajnice", jedan izvršilac sa punim radnim vremenom, po Konkursu objavljenom u dnevnim novinama "Oslobođenje", web stranici Univerziteta u Sarajevu i web stranici Univerziteta u Sarajevu–Građevinski fakultet dana 03.11.2021. godine;
- V Imenovanje Komisija za pripremanje prijedloga za izbor u zvanje asistent za naučnu oblast "Geotehnika i geološko inženjerstvo", jedan izvršilac sa punim radnim vremenom, po Konkursu objavljenom u dnevnim novinama "Oslobođenje", web stranici Univerziteta u Sarajevu i web stranici Univerziteta u Sarajevu – Građevinski fakultet dana 15.11.2021. godine;

- VI Donošenje Odluke po Zaključku o saglasnosti Senata Univerziteta na osnovu Odluke Vijeća doktorskog studija o prijedlogu produženja roka za završetak III ciklusa studija za najduže tri (3) godine studentima koji su upisali III ciklus studija u studijskoj 2010./2011., 2013./2014., 2015./2016. i 2016./2017. godini,
- VII Izvještaj Komisije za ocjenu radne verzije projekta doktorske disertacije pod nazivom "Primjena regionalnih analiza u poboljšanju ocjene kvantila velikih voda", kandidatkinje Ajle Mulaomerović – Šeta, dipl.ing.građ. nakon isteka roka od 30 dana uvida javnosti i utvrđivanje prijedloga Komisije za odbranu doktorske disertacije;
- VIII Izvještaj Komisije o toku i rezultatu odbrane doktorske disertacije pod nazivom "Doprinos proučavanju opšte deformacije riječnog korita primjenom terenskih i numeričkih istraživanja", kandidatkinje Nerme Lazović, dipl.ing.građ.
- IX Izvještaj Komisije za provođenje postupka ekvivalencije akademskih titula, odnosno naučnih i stručnih zvanja ranije stečenih na Univerzitetima u BiH o ekvivalenciji stručnog zvanja ranije stečenog na Građevinskom fakultetu Univerziteta u Sarajvu po zahtjevu Ljubiše Tešića;
- X Izvještaj Komisije za provođenje postupka ekvivalencije akademskih titula, odnosno naučnih i stručnih zvanja ranije stečenih na Univerzitetima u BiH o ekvivalenciji stručnog zvanja ranije stečenog na Građevinskom fakultetu Univerziteta u Sarajvu po zahtjevu Negre Hadžić;
- XI Donošenje odluke o imenovanju predstavnika viših asistenata i asistenata Odsjeka za geodeziju i geoinformatiku kao članova Vijeća Univerziteta u Sarajvu – Građevinski fakultet.
- XII Molba studenta Mirsada Čorbadžića za naknadni upis u V semester u akademsku 2021./2022. godinu;
- XIII Molba studentice Emine Hajduković za naknadni upis u III semester u akademsku 2021./2022. godinu;
- XIV Žalba studentice Ilme Čerimagić br. 06-2-1544-6/21 od 10.12.2021. na Odluku Disciplinske komisije br. 06-1544-5/21 od 29.11.2021. godine;
- XV Molba grupe studenata Građevinskog i Arhitektonskog fakulteta da im se u skladu sa mogućnostima obezbjedi prostoriju za obavljanje vjerskih obreda.
- XVI Razno

Ad/I

Na Zapisnik sa XVIII sjednice Vijeća Univerziteta u Sarajvu – Građevinski fakultet, održane 03.12.2021. godine nije bilo primjedbi, te je isti jednoglasno usvojen.

Ad/II

Dekan Univerziteta u Sarajvu – Građevinski fakultet je predložio da se o određenim tačkama dnevnog reda ove sjednice odluči tajnim glasanjem članova Vijeća putem glasačkih listića, s ciljem slobodnijeg zauzimanja stavova i dobošenja odluka po navedenim pitanjima.

Vijeće je jednoglasno donijelo sljedeću:

ODLUKU

I

Vijeće Univerziteta u Sarajvu – Građevinski fakultet će se o tačkama dnevnog reda:

- a) Žalba studentice Ilme Čerimagić br. 06-2-1544-6/21 od 10.12.2021. na Odluku Disciplinske komisije br. 06-1544-5/21 od 29.11.2021. godine;
- b) Molba grupe studenata Građevinskog i Arhitektonskog fakulteta da im se u skladu sa mogućnostima obezbjedi prostoriju za obavljanje vjerskih obreda.

izjasniti tajnim glasanjem putem glasačkih listića.

Ad/III

Vijeće je razmatralo Izvještaj koji je Vijeću podnijela Komisija za pripremanje prijedloga za izbor u naučnonastavno zvanje viši asistent za naučnu oblast «Geotehnika i geološko inženjerstvo» Komisija je, nakon uvida u priloženu dokumentaciju, dosadašnji naučni, stručni i pedagoški rad kandidata, u svom Izvještaju konstatovala da Mladen Kapor, mr.dipl.ing. građ. ispunjava sve formalne i suštinske uvjete za izbor u naučnonastavno zvanje viši asistent, utvrđene Zakonom o visokom obrazovanju i Statutom Univerziteta u Sarajevu.

Nakon upoznavanja sa predmetnim Izvještajem Komisije i tajno provedenog glasanja, Vijeće je jednoglasno donijelo sljedeću:

ODLUKU

I

Usvaja se Izvještaj Komisije za pripremanje prijedloga za izbor/napredovanje u naučnonastavno zvanje viši asistent za naučnu oblast «Geotehnika i geološko inženjerstvo», zaveden pod brojem: 02-1-1670-10/21 od 09.12.2021. godine.

II

Utvrđuje se prijedlog za izbor **Mladena Kapora, mr.dipl.ing.građ.** u naučnonastavno zvanje **viši asistent za naučnu oblast «Geotehnika i geološko inženjerstvo»**, na Univerzitetu u Sarajevu – Građevinski fakultet.

III

Odluku dostaviti Senatu Univerziteta u Sarajevu na dalji postupak.

Ad/IV

Vijeće je razmatralo Izvještaj koji je Vijeću podnijela Komisija za pripremanje prijedloga za izbor u naučnonastavno zvanje docent za naučnu oblast «Saobraćajnice», Komisija je, nakon uvida u priloženu dokumentaciju, dosadašnji naučni, stručni i pedagoški rad kandidata, u svom Izvještaju konstatovala da dr.sc. Ammar Šarić, dipl.ing.građ. ispunjava sve formalne i suštinske uvjete za izbor u naučnonastavno zvanje docent, utvrđene Zakonom o visokom obrazovanju i Statutom Univerziteta u Sarajevu.

Nakon upoznavanja sa predmetnim Izvještajem Komisije i tajno provedenog glasanja, Vijeće je većinom glasova donijelo sljedeću:

ODLUKU

I

Usvaja se Izvještaj Komisije za pripremanje prijedloga za izbor/napredovanje u naučnonastavno zvanje docent za naučnu oblast «Saobraćajnice», zaveden pod brojem: 02-1-1650-10/21 od 08.12.2021. godine.

II

Utvrđuje se prijedlog za izbor **dr.sc. Ammara Šarića, dipl.ing.građ.** u naučnonastavno zvanje **docent za naučnu oblast «Saobraćajnice»** na Univerzitetu u Sarajevu – Građevinski fakultet.

III

Odluku dostaviti Senatu Univerziteta u Sarajevu na dalji postupak.

Ad/IV

Na prijedlog Katedre za geotehniku i geološko inženjerstvo, Vijeće je jednoglasno donijelo sljedeću:

ODLUKU

o imenovanju Komisije za pripremanje prijedloga za izbor u naučnonastavno zvanje

I

U Komisiju za pripremanje prijedloga za izbor u naučnonastavno zvanje: asistent za naučnu oblast "Geotehnika i geološko inženjerstvo", jedan izvršilac sa punim radnim vremenom, po Konkursu objavljenom u dnevnim novinama "Oslobođenje", web stranici Univerziteta u Sarajevu i web stranici Univerziteta u Sarajevu – Građevinski fakultet dana 15.11.2021. godine, imenovani su:

- 1.) Dr.sc. Đenari Čerimagić, dipl.ing.geol., redovni profesor Univerziteta u Sarajevu – Građevinski fakultet (naučna oblast „Geotehnika i geološko inženjerstvo“), predsjednik Komisije;
- 2.) Dr.sc. Ferid Skopljak, dipl.ing.geol., vanredni profesor Rudarsko – Geološko – Građevinskog fakulteta Univerziteta u Tuzli (naučne oblasti „Hidrogeologija“), član Komisije;
- 3.) Dr.sc. Adis Skejić, dipl.ing.građ., docent Univerziteta u Sarajevu – Građevinski fakultet (naučna oblast „Geotehnika i geološko inženjerstvo“), član Komisije;

II

Komisija je obavezna da Izvještaj sa prijedlogom za izbor kandidata dostavi Vijeću Univerziteta u Sarajevu – Građevinski fakultet, u skladu sa tekstom raspisanog Konkursa, ovom Odlukom i Potvrdom o prijavljenim kandidatima, najduže u roku od 45 dana od dana isteka roka za podnošenje prijave na Konkurs.

Ad/VI

U skladu sa Zaključkom Senata Univerziteta u Sarajevu br.01-23-63/21 od 22.12.2021. godine, Vijeće je jednoglasno donijelo sljedeću

ODLUKU

I

Studentima III ciklusa studija (doktorskog studija) na Univerzitetu u Sarajevu – Građevinski fakultetu, a koji su upisali III ciklus studija (doktorski studij) na Građevinskom fakultetu Univerziteta u Sarajevu u studijskoj 2010./2011., 2013./2014., 2015./2016. i 2016./2017. godini, produžava se rok za završetak III ciklusa studija na Univerzitetu u Sarajevu – Građevinski fakultetu za najduže tri (3) godine, neovisno o statusu i preostalim obavezama, počev od studijske 2021./2022. godine, odnosno do 30.09.2024.godine.

II

U skladu članom 22 Pravila studiranja za III ciklus na Univerzitetu u Sarajevu od 29.12.2010. godine za studente III ciklusa studija koji ne izvrše obaveze u roku utvrđenim u prethodnom stavu ove Odluke, postupak za sticanje naučnog stepena doktora nauka će se obustaviti rješenjem dekana, na prijedlog Vijeća doktorskog studija Univerziteta u Sarajevu – Građevinski fakultetu, čime student gubi status studenta III ciklusa studija na Univerzitetu u Sarajevu – Građevinski fakultet.

III

Ova Odluka stupa na snagu danom donošenja i bit će dostavljena svim studentima III ciklusa studija (doktorskog studija) na Univerzitetu u Sarajevu-Građevinski fakultet, a koji su upisali III ciklus studija (doktorski studij) na Građevinskom fakultetu Univerziteta u Sarajevu u studijskoj 2010./2011., 2013./2014., 2015./2016. i 2016./2017. godini.

Ad/VII

Vijeće je jednoglasno donijelo sljedeću

ODLUKU

I

Usvaja se Izvještaj Komisije za ocjenu radne verzije projekta doktorske disertacije kandidatkinje Ajle Mulaomerović – Šeta, dipl.ing.građ., pod nazivom "Primjena regionalnih analiza u poboljšanju ocjene kvantila velikih voda", zaveden pod brojem 06-3-2069-30/19 od 20.12.2021. godine.

II

Predlaže se Senatu Univerziteta u Sarajevu da prihvati prijedlog doktorske disertacije kandidatkinje Ajle Mulaomerović – Šeta, dipl.ing.građ., pod nazivom "Primjena regionalnih analiza u poboljšanju ocjene kvantila velikih voda" i imenuje Komisiju za odbranu doktorske disertacije u sastavu:

- 1.) Dr. Emina Hadžić, dipl. ing. građ., redovni profesor Univerziteta u Sarajevu – Građevinski fakultet, (oblast: „Hidrotehnika i okolišno inženjerstvo“), predsjednik i član Komisije.
- 2.) Dr. Zoran Mlašinović, dipl. ing. građ., redovni profesor Univerziteta u Sarajevu – Građevinski fakultet, (oblast: „Hidrotehnika i okolišno inženjerstvo“), mentor i član Komisije;
- 3.) Dr. Borislava Blagojević, dipl. ing. građ., docent na Građevinsko- arhitektonskom fakultetu Univerziteta u Nišu (oblast «Hidrotehnika»), član Komisije;

III

Odluka Vijeća će biti dostavljena Senatu Univerziteta u Sarajevu radi daljnjeg postupka imenovanja Komisije.

Ad/VIII

Po ovoj tački Dnevnog reda članovi Vijeća se nisu izjašnjavali, samo im je dostavljen navedeni dokument da se upoznaju sa rezultatima odbrane doktorske disertacije pod nazivom "Doprinos proučavanju opšte deformacije riječnog korita primjenom terenskih i numeričkih istraživanja", kandidatkinje Nerme Lazović, dipl.ing.građ. koja je održana 07.07. 2021. godine, koju je imenovani uspješno odbranio i time ispunio sve zakonom propisane uslove za sticanje akademskog zvanja *doktor tehničkih nauka, naučno polje građevinarstvo*.

Izveštaj i Protokol i Zapisnik sa odbrane doktorske disertacije kandidatkinje Nerme Lazović, dipl.ing.građ su dostavljeni Senatu Univerziteta u Sarajevu na daljnji postupak.

Ad/IX

Na prijedlog Komisije za provođenje postupka ekvivalencije akademskih titula, odnosno naučnih i stručnih zvanja ranije stečenih na Građevinskom fakultetu Univerziteta u Sarajevu i univerzitetima u Bosni i Hercegovini, Vijeće je jednoglasno donijelo

ODLUKU

o ekvivalenciji ranije stečenog zvanja

I

Ljubiša Tešić, rođen 27.11.1955. godine u Tuzli, država Bosna i Hercegovina, na Građevinskom fakultetu Univerziteta u Sarajevu završio je dana 27.12.1978. godine studij za sticanje visoke stručne spreme, konstruktorskog smjera i dana 21.05.1979. godine izdata mu je diploma pod brojem: 1286/78 o stečenom stručnom nazivu „Diplomirani građevinski inženjer“.

Ovaj studij je ekvivalentan završenom master studiju i vrijedi 300 ECTS bodova.

Stručni naziv „Diplomirani građevinski inženjer“ odgovara akademskoj tituli i stručnom zvanju:

Magistar građevinarstva-diplomirani inženjer građevinarstva, smjer Konstrukcije

koje se stiče završetkom II ciklusa studija građevinarstva, smjer konstrukcije na Univerzitetu u Sarajevu – Građevinski fakultet.

II

U skladu sa tačkom I ove Odluke podnositelju zahtjeva Ljubiši Tešiću će biti izdato uvjerenje o ekvivalenciji ranije stečene akademske titule, odnosno naučnog i stručnog zvanja na Građevinskom fakultetu Univerziteta u Sarajevu.

Ad/X

Na prijedlog Komisije za provođenje postupka ekvivalencije akademskih titula, odnosno naučnih i stručnih zvanja ranije stečenih na Građevinskom fakultetu Univerziteta u Sarajevu i univerzitetima u Bosni i Hercegovini, Vijeće je jednoglasno donijelo

ODLUKU

o ekvivalenciji ranije stečenog zvanja

I

Negra Hadžić, rođena 28.08.1981. godine u Sarajevu, država Bosna i Hercegovina, na Građevinskom fakultetu Univerziteta u Sarajevu završila je dana 17.09.2018. godine studij za sticanje visoke stručne spreme, odsjek za geodeziju i dana 01.12.2018. godine izdata joj je diploma pod brojem: 426/2018 o stečenom stručnom nazivu „Diplomirani inženjer geodezije“.

Ovaj studij je ekvivalentan završenom master studiju i vrijedi 300 ECTS bodova.

Stručni naziv „Diplomirani inženjer geodezije“ odgovara akademskoj tituli i stručnom zvanju:

Magistar geodezije i geoinformatike - diplomirani inženjer geodezije i geoinformatike

koje se stiče završetkom II ciklusa studija geodezije i geoinformatike na Univerzitetu u Sarajevu – Građevinski fakultet.

II

U skladu sa tačkom I ove Odluke podnositelju zahtjeva Negri Hadžić će biti izdato uvjerenje o ekvivalenciji ranije stečene akademske titule, odnosno naučnog i stručnog zvanja na Građevinskom fakultetu Univerziteta u Sarajevu.

Ad/XI

Na prijedlog dekana, Vijeće je jednoglasno donijelo sljedeću:

O D L U K U

I

Za predstavnika iz reda viših asistenata sa Odsjeka za geodeziju i geoinformatiku pri Vijeću Univerziteta u Sarajevu – Građevinski fakultet bira se viši asistent Nedim Kulo, dipl. ing. geod.

II

Za predstavnika iz reda asistenata sa Odsjeka za geodeziju i geoinformatiku pri Vijeću Univerziteta u Sarajevu – Građevinski fakultet bira se asistent Muamer Đidelića, dipl. ing. geod.

Ad/XII

Na Molbu studenta Mirsada Čorbadžića, a uz saglasnost prodekana za nastavu, Vijeće je jednoglasno donijelo sljedeću:

O D L U K U

Odobrava se studentu Mirsadu Čorbadžiću naknadni upis u treću godinu – V semestar I ciklusa studija studijskog programa građevinarstva na Univerzitetu u Sarajevu – Građevinski fakultet, u akademskoj 2021./2022. godini, u statusu redovnog samofinansirajućeg studenta.

Ad/XIII

Na Molbu studentice Emine Hajduković, a uz saglasnost prodekana za nastavu, Vijeće je jednoglasno donijelo sljedeću:

O D L U K U

Odobrava se studentici Emini Hajduković naknadni upis u III semestar II ciklusa studija studijskog programa geodezije i geoinformatike na Univerzitetu u Sarajevu – Građevinski fakultet, u akademskoj 2021./2022. godini, u statusu redovnog samofinansirajućeg studenta.

Ad/XIV

Vijeće je razmatralo Žalbu studentice Ilme Čerimagić br. 06-2-1544-6/21 od 10.12.2021. na Odluku Disciplinske komisije br. 06-1544-5/21 od 29.11.2021. godine,

Uz Žalbu podnositeljice članovima Vijeća su blagovremeno dostavljena sljedeća dokumenta koja se odnose na predmet, kako slijedi:

- Prijava studentice Ilme Čerimagić br. 06-1544/21 od 22.09.2021. godine podnesena od doc.dr. Žanese Ljevo, dipl.ing.građ.;
- Odluka o pokretanju disciplinskog postupka za utvrđivanje odgovornosti studentice Ilme Čerimagić br. 01-2-1544-1/21 od 19.10.2021. godine, donesena od dekana Univerziteta u Sarajevu – Građevinski fakultet;
- Zahtjev za dostavljanje pismene izjave studentice Ilme Čerimagić br. 06-1544-2/21 od 27.10. 2021. godine dostavljen od Disciplinske komisije;
- Pismena izjava studentice Ilme Čerimagić br.06-1544-3/21 od 06.11.2021. godine;
- Zapisnik o održanoj raspravi za utvrđivanje odgovornosti studentice Ilme Čerimagić br. 06-1544-4/21 od 29.11.2021. godine;
- Odluku Disciplinske komisije br. 06-1544-5/21 od 29.11.2021. godine o oglašavanju studentice odgovornom i izricanje disciplinske mjere.

Dekan Univerziteta u Sarajevu – Građevinski fakultet, po čijoj Odluci je pokrenut disciplinski postupak za utvrđivanje odgovornosti studentice Ilme Čerimagić, je Vijeću iznio predmetni slučaj:

- navode iz Prijave studentice Ilme Čerimagić br. 06-1544/21 od 22.09.2021. godine podnesene od doc.dr. Žanese Ljevo, dipl.ing.građ.;
- naveo je da je obavio razgovor i sa studenticom Ilmom Čerimagić i sa doc.dr. Žanesom Ljevo, te da je predložio doc.dr. Žanesi Ljevo da zakaže još jedan termin za odbranu semestralnog zadatka iz predmeta Organizacija građenja;
- da je doc.dr. Žanesa Ljevo zakazala još jedan termin za odbranu semestralnog zadatka iz predmeta Organizacija građenja;

- na ponovo zakazani termin za odbranu semestralnog zadatka iz predmeta Organizacija građenja studentica Ilma Čerimagić nije pristupila odbrani semestralnog rada;
- studentica Ilma Čerimagić se obratila nadležnoj inspekciji, iz koje se prodekanu za nastavu obratio postupajući inspektor, sa prijedlogom da se, ukoliko je moguće, sporna situacija riješi zakazivanjem još jednog termina za odbranu semestralnog zadatka iz predmeta Organizacija građenja;
- zakazan je još jedan termin za odbranu semestralnog zadatka iz predmeta Organizacija građenja, kojem je studentica Ilma Čerimagić pristupila i isti odbranila;
- da je na osnovu Prijave studentice Ilme Čerimagić podnesene od doc.dr. Žanese Ljevo, dipl.ing.građ., donio Odluku o pokretanju disciplinskog postupka za utvrđivanje odgovornosti po navodima iz Prijave studentice Ilme Čerimagić,
- da je je Vijeće donijelo odluku da se u imenuju zamjenski članovi Disciplinske komisije, kako bi u ovom predmetu predsjednik komisije bio zamjenik viši asistent Ammar Šarić, dipl.ing.građ., umjesto prof.dr. Suade Sulejmanović, dipl.ing.građ., koja je bila svjedok u spornoj situaciji iz predmetne Prijave između doc.dr. Žanese Ljevo, dipl.ing.građ. i studentice Ilme Čerimagić;
- da se u Disciplinsku komisiju za postupanje u ovom predmetu imenuje viši asistent Ammar Šarić, dipl.ing.građ., umjesto prof.dr. Suade Sulejmanović, dipl.ing.građ., koja je bila svjedok u spornoj situaciji iz predmetne Prijave između doc.dr. Žanese Ljevo, dipl.ing.građ. i studentice Ilme Čerimagić;
- Disciplinska komisija je provela disciplinski postupak i donijela Odluku br. 06-1544-5/21 od 29.11.2021. godine o oglašavanju studentice Ilme Čerimagić odgovornom za lakšu povredu obaveza studenata iz člana 173 stav 4, tačka b) Statuta Univerziteta u Sarajevu i izrekla joj disciplinsku mjeru javna opomena.
- da je studentica Ilma Čerimagić Vijeću Univerziteta u Sarajevu–Građevinski fakultet dana 10.12.2021. godine podnijela Žalba br. 06-2-1544-6/21 od 10.12.2021. na Odluku Disciplinske komisije br. 06-1544-5/21 od 29.11.2021. godine kojom je oglašena krivom za lakšu povredu obaveza studenata iz člana 173 stav 4, tačka b) Statuta Univerziteta u Sarajevu i izrečena joj disciplinska mjera javna opomena, u kojoj je navela da pobija navedenu odluku Disciplinske komisije zbog bitnih povreda odredaba postupka i pogrešno i nepotpuno utvrđenog činjeničnog stanja, te predlaže da Vijeće Univerziteta u Sarajevu–Građevinski fakultet žalbu uvaži i prvostepenu odluku preinači tako da je oslobodi inkriminacije koja joj se stavlja na teret, odnosno da osporenu odluku ukine i vrati prvostepenom organu na ponovni postupak i odluku.

Nakon izlaganja dekana niko od članova Vijeća se nije javio za raspravu po navodima iz Žalbe studentice Ilma Čerimagić na Odluku Disciplinske komisije, kojom je imenovana studentici oglašena krivom za lakšu povredu obaveza studenata i izrečena joj disciplinska mjera javna opomena.

Članovi Vijeća su pozvani da se, na osnovu navoda iz gore navedene blagovremeno dostavljene dokumentacije, a putem glasačkog listića, izjasne po Žalbi studentice Ilma Čerimagić na Odluku Disciplinske komisije.

Na glasačkom listiću su ponuđene opcije izjašnjavanja:

- a) Žalba se odbija kao neosnovana i potvrđuje Odluka Disciplinske komisije
- b) Žalba se usvaja kao osnovana i predmet vraća Disciplinskoj komisiji na ponovno odlučivanje
- c) Žalba se usvaja kao osnovana i Odluka Disciplinske komisije se oglašava ništavnom.

Vijeće je, nakon izjašnjavanja tajnim glasanjem, većinom glasova (31 za opciju a), 4 za opciju b) i 1 za opciju c)), donijelo sljedeću:

O D L U K U

I

Odbija se Žalba studentice Ilme Čerimagić br. 06-2-1544-6/21 od 10.12.2021.godine na Odluku Disciplinske komisije br. 06-1544-5/21 od 29.11.2021. godine, kao neosnovana.

II

Odluka Disciplinske komisije br. 06-1544-5/21 od 29.11.2021. godine, se potvrđuje.

Ad/XV

Razmatrajući Molbu grupe studenata Arhitektonskog fakulteta i Građevinskog fakulteta za ustupanje prostorije u svrhu obavljanja molitve br. 02-1-2194/21 od 14.12.2021. godine, članovi Vijeća su istakli da se o istom pitanju već raspravljalo prije nekoliko godina.

Nakon rasprave Vijeće je, na osnovu Odluke Vijeće da se o ovom pitanju članovi Vijeća izjasne tajnim glasanjem, nakon izjašnjavanja tajnim glasanjem, a većinom glasova donijelo sljedeći:

ZAKLJUČAK

I

Vijeće većinom glasova "PROTIV" konstatuje da nema mogućnosti niti objektivne potrebe udovoljavanja Molbi grupe studenata Arhitektonskog fakulteta i Građevinskog fakulteta za ustupanje prostorije u svrhu obavljanja molitve br. 02-1-2194/21 od 14.12.2021. godine.

II

Vijeće svoj zaključak obrazlaže nepostojanjem objektivne potrebe, s obzirom da, slijedeći obaveze prisustvovanja nastavi i ostalim obaveznim aktivnostima, svaki student ima mogućnost organizovati vršenje molitvi u vjerskim objektima u određeno vrijeme ili u dopuštenom vremenskom rasponu za obavljanje pojedine molitve.

Nadalje Vijeće svoj zaključak iz prethodne tačke obrazlaže i sljedećim:

- nemogućnost obezbjeđivanja adekvatnih prostorija za tri konfesije;
- nemogućnost neophodnog nadzora nad korištenjem prostorija u svrhu u koju bi bile odobrene;
- nemogućnost obezbjeđenja sanitarnog čvora u navedenim prostorijama;
- nemogućnost održavanja čistoće i higijene u navedenim prostorijama.

III

Vijeće konstatuje da Univerzitet u Sarajevu–Građevinski fakultet u potpunosti poštuje Preporuku Senata Univerziteta u Sarajevu br.01-8041/16 od 28.12.2016. godine o nezakazivanju akademskih obaveza petkom (u vrijeme džume namaza) i u dane vikenda (vrijeme centralnih molitvi pripadnika katoličke i pravoslavne vjeroispovijesti), s ciljem poštivanja ljudskih prava i sloboda svih vjerskih zajednica.

Ad/XVI

Prodekan je napomenuo članove Vijeća da početkom godine treba usaglasiti teme master radova, eventualne izmjene ili dopune nastavnih programa, kako bi se blagovremeno mogle poduzeti odgovarajućeivnosti za realizaciju istih. Takodjer je istakao potrebu zapošljavanja novog akademskog osoblja na pojedinim odsjecima. Dekan je istakao da je novo zapošljavanje uvjetovano raspoloživim sredstvima u budžetu za platu, koji nam je već nekoliko godina limitiran, tako da sva povećanja plate zbog napredovanja akademskog osoblja ili zapošljavanje novih zaposlenika zavisi od prestanka radnog odnosa drugih zaposlenika zbog ostvarivanja prava na penziju.

Zapisnik vodila:

Sabina Bajrić, dipl. pravnik



02-1-2259-5/21

04.01.2022

DEKAN

Prof.dr. Samir Dolarević, dipl.ing. građ.

